

出版說明

地方志是我國文化遺產的一個重要組成部分，也是我國古代文化發展史上特有的現象。方志的編撰源遠流長，代有修撰，明、清時期達到頂峰，產生了許多優秀之作。方志的價值也越來越多地為人們所認識，它不僅是編修新志必不可少的基礎和參考，也是今天研究古代文學、民俗學、歷史地理、天文礦藏、古代農業生產、自然災害，特別是明清以來社會歷史發展情況的資料寶庫。

據《中國地方志聯合目錄》不完全統計，流傳至今的歷代方志有八千二百餘種，其中不少流散海外，為日本、法國、美國、加拿大等國所收藏，我國國內僅有存目。為保存祖國文獻，發展民族文化，滿足國內的研究需要，北京圖書館通過各種渠道，主要是國際交換的方式，廣泛查尋，搜集流散於海外的方志，並製成縮微膠卷。我社對這批膠卷進行整理，選取了其中現為日本所藏，國內罕見的地方志近百種，編成叢刊，影印出版。

本叢刊的取舍原則以書的內容價值為主，同時兼顧版本的情況，擇優而從。選入本叢刊的方志主要是明、清兩代所修，其中百分之八十是原刻本；有十餘種《中國地方志聯合目錄》未予記載；另外，有些方志《中國地方志聯合目錄》雖收錄，卻記載有誤。還有個別方志，國內雖有刻本，但版本不精，雖有膠卷，而未及影印，廣大讀者不易得見，我們也選入了本叢刊。

《日本藏中國罕見地方志叢刊》將陸續分冊出版，預計兩年出齊。原則上，每種書為一冊；但是卷數少者數種合為一冊（以地區劃分，歸類相聚，各類中又以修撰時間先後為序），卷數多者一種析為數冊。我們在影印編輯過程中，除對個別明顯錯簡、倒置的地方進行糾正外，其餘則儘量保持原書的面貌。

本叢刊的出版得到了北京圖書館普適古籍組薛英、伍躍、鮑國強等同志的大力支持，楊殿珣先生並於百忙中為叢刊題簽，在此，我們謹致謝忱。

書目文獻出版社

一九九〇年二月

日本藏中國罕見
地方志叢刊



楊殿珣題

新修南昌府志序

余守豫章之明年巨浸作民籲
所司求所以佐歲者惟長河官
港因天順地其利普其惠不費
而額課有禁也弛之便爰遡之
掌故尋課鈔所自始將徼惠於
朝永蠲之當事者可其議顧往牒
無徵遂寢或曰省有大志可稽
也而畧又曰郡故有志而未傳
即諮之二酉得其簡褻然百年
物也其畧猶是也矧殘闕不啻
此耶乃商之章本清氏本清郡
之高士也余所為下榻者辭讓
於太史太史鄧公又以習靜

讓於督學使督學萬公則謂學
士張宗伯公在可俟也余各走
書三四復議始協適宗伯休沐
過里闢局有日矣二三公猶欲
然吾鄉哲自司馬公而下能悉
當心乎鉅典無小就公書無獨
成願廣之余復走書於司馬萬
公以及國中薦紳三老凡郡乘
所當揚推者咸請畢其詞辱諸
大夫國人之不余棄也或採於
巷或謀於野或參互於載籍雖
言人人殊而彙進輻輳則志之
道歸焉耳志凡三十卷前後脫
藁者三其梗槩纖悉具諸公自

為序中又烏乎贅余惟古者諸侯之國各有史自罷侯置守之法行而史廢即郡縣間有識之空文徒存不見諸行事而史亦廢蓋志所以昭鑒戒考得失因其所可因革其所宜革推古昔善治之利以致之斯民而已豫

章名郡也省會在焉而徵前信後之典不備至不可徵惠以佐歲其所繫之重可知大夫士之交讓以有成也得無意乎然志未備而求以備之固矣借令備體而遺用備言而遺行善不能法不善不能戒所欲所惡不能

與之聚勿之施其於士風民瘼何與焉雖志猶弗志也此亦大夫士之所懼也余之所走書而畢力者以此遂以為序

賜進士出身中順大夫知南昌府事
前南京戶部郎中刑部主事
新安范涑撰



南昌府志序

休寧范公之守南昌也思日孜孜以興教起敝為己任甫下車索郡圖志無從覩焉既訪於比部方公來崇暨余弟上林丞化得舊本二蓋創於某年修於某年俱寢未布公慨然曰文獻故郡志可闕諸是誠在我政暇乃與二三文學章君潢等謀之時余在京嘗以書見訊余方供奉

講幃樂贊其成而未有以對也萬曆丁亥冬余乞病歸山公訪余草堂曰向云志事業與二三文學編輯成帙矣尚俟一言而定余謝

曰僕病未能也竊聞志猶史然昔嘗濫竽

實錄會典之後每將事預發金匱石室所藏下搜諸司掌故不啻詳焉猶病缺如蒐羅其備手誅詢其公平公由是檄所屬州邑採典實移書鄉先生下問三老訪求故家遺俗而佚事多有徵焉公曰庶幾可乎余曰未也竊見國家凡有纂修必開館屬事分曹具草以上於總裁反覆參校始克就緒百工居肆業其成于專乎公由是擇公署之靜閒軒廠者增延博雅設饗醴供餼廩分局而專

責成公復以人物見詢余曰志也非所以論於史矣愚何敢與聞史道去取嚴斧鉞鄉黨恂恂依厚孝子慈孫之情可盡徇乎是在主持風教者採月旦公評精於疇咨發于一旦若揭榜標題孰得而議焉公領之遂以章君等所成集如

南昌府志

序

三

千卷質諸萬督學鄧太史余亦幸得卒業公因以序見屬余攷按圖牒俯仰今昔而論其世山川無改氣運推遷良用憮然太息於斯昔

高皇帝神武服海內獨提全師與偽漢爭衡始定豫章故形勢

為天下重蓋全省江南中原而南昌又當列郡之中也國初建草昧闡鴻荒休養生息二百餘年于茲中間潢池弄兵逆藩窺鼎雖不無多故尚晏然彌稱樂土以故老所傳自弘正逮嘉靖初官政簡易旋倪嬉遊田里氣靡俗朴士者循循本業砥礪清白官有餘蓄民有餘藏不數十年而風景頓異矣若溜建瓴波東注力挽之而卒莫可挽也今方寓謚寧無旁茲意外之擾

天子嘉惠元元有司奉上意蚤夜勤恤蒿目而憂其患科條功令

絡繹日領于下始用密採踈而其踈也更在密用隆採汚而其汚也更在隆用節採耗而其耗也更在節更治民艱有若不能為日由一邦而天下可知也審變通而與民宜之非志曷稽或曰存則人亡則書固矣自有郡以來良二千石彬彬相望志果能為有亡曰不然理家者而欲長善厥家凡田舍廩篋紀綱減獲手自擘畫無遺謀尤必盡登簿正庸便稽覽而貽後人國醫之為療也方脈品劑攻治輔養之術自出工巧又筆諸類案藉以傳世克此志也仁也公夙講

一體之學理官如家視民不寧猶痼疾乃身斯舉也亦思其仁之有寄而已連歲苦旱澇饑饉賴公拯救多方公為政崇風教重農桑學校斤斤古道恥為俗吏夫天下事廢不舉坐闕就者托鎮靜偷安旁觀者不肯自為又媚人之為動煽危言相阻蓋事無全善倘憚毛舉而逡巡却步是何務之能成寧惟志也乎哉吾聞君子之為政也居有所樹去有所遺迹公今日之為樹且遺也誠卓以遠矣萬曆戊子仲秋朔日
賜進士出身通議大夫禮部右

侍郎兼翰林院侍讀學士

經筵

日講官記注

起居

會典副總裁新建張位謨



曾學孔書

南昌縣志序

南昌故缺志有司者多以爲空文
無所用之新安范大夫至輒留
于茲踰年遂有成書去矣紀利病
昭懲勸可爲空文乎哉蓋其起教
於微渺而轉習於繁希務於弗急
而收於無功所爲用非俗吏所窺
矣昧未易言也方大夫初發念輒
移書屬余山中余抱區土之憂有
半矣雖以罷走比列國之史易而
爲之某傳不逮故屬章多本清爲
謙不敢蓋余深惟孔子絕四矣所
爲筆削自信於天之睿昧然後能
以天信人曰斯民也三代之所以

直道而行也夫豈數仁然偵人精
以自嚴躬吾輩意氣不激猶在天
人之本即品嘗發語如泥濘五寸
須說一尺誰仁而有則安敢與于
斯文誠躍一語或浮諸九共據矣
且史有專官某紀載皆當日所睹
聞此之為成則欲以數百丰後臆
斷其事矣如田賦曰倍於往其增
必有漸也吾欲莊積重之故而戶
書無徵也何以議復嘉之壬午乙
巳歲嘗饒矣自上援之幸有子遺
今室如縣幣堅無青草吾欲莊所
已試為今日請而宜績無徵也何
以贊畫人之不同如面或遠是而

心遠或始脩而終戾必耳目所及
然後得其情狀吾欲察於衆好衆
惡之中而故老無徵也何以決去
孝由斯以言即余有以自信能無
遺憾否故曰未易言也迺大共不
謂然也直以身任之曰豈可以當
吾空而仍其闕且余為一圻而圖
之何弗信之與有于是開館延賢
廣漁獵重依違其為心亦勤矣猶
言虞欲然與衆共之豈不誠斤仁
哉江淹曰史之難無出於志非溺
言也然大共有意焉明德新民之
學久矣其精神淪浹蓋在言語文
字之外自今吏茲土者率大共之

夷從于寬政解紓民困而生茲土
者亦臨深履薄專一晶魄以起地
靈則上下皆無違心而有嘉德庶
幾大共所為用矣乎願余察國人
之心其孝子順孫多急于明先德
也容可既焉乎能為大共解矣曰
可以書傳者名不可以書傳者神

南昌府志

序

四

新修南昌府志

無所以不朽書無益也之所以不
朽不書無損也此靈寶之說也且
脩德於明者人紀之行謹於陰者
鬼神紀之無以鬼神為窮冥由枚
策之榮昌而所紀可知也其於人
何必急上躬乎故欲父老子弟冥
於不义事而嚴於無所待斯為謹

矣余將以此廣大共之用於某請
序也非為書之

萬曆戊子十月罷人鄧以讚撰

五山程福生書

南昌府志

序

五

新修南昌府志

南昌府志序

司馬氏曰余讀范刺史南昌府志而知王道之易易也夫

高皇帝親將王師百萬逆江流討偽漢血戰鄱湖滅之長驅入豫章城我豫民壹漿迎王師

帝大說幸南昌府學青衿雍雍執

經融融已乃登滕王閣瞰南浦望

西山與諸臣飲酒賦詩宵乃張燈

令長老携幼縱觀焉始知有生人

之樂矣當是時也僞吳寢巢中原

沸鼎征討未遑也我南昌先被王

化脫去湯火士起絃歌之習民蒙

樂利之休蓋已蕩然有控九州駕

百王之氣矣王道於是乎開其始

乃今二百四十年来德化彌洽封

疆若故逆藩不能使之動水旱不

能使之困民皓首不識兵革士結

髮繁被簪纓蓋晏然有執經賦詩

宵燈之象焉王道於是乎成其終

比年饑饉薦臻室而懸罄然灌輸

尤疾於薄海賢書尚後于中華夫

今之南昌非昔之南昌耶而鑠盛

若此盡

高皇江河之遺唾山岳之委形也

世代流易文獻已微記載弗揚

威靈何述萬曆十有六年春睇陽

范公來守是邦喟然歎曰影響卓

史摭摭春秋以對揚

高皇之丕烈用章治世之典刑其
守土臣事乎乃聯鄉衮儒衿局而
志之布之目四十有一括之類七
夫翼軫列垣繫我廣里高山大川
之網之紀類輿地野有澤梁邑有
明堂或因或革吏治乃章類創置
厥序皇皇厥賦唯上上錯懷柔百
神下民以已瘼類典制實繁有封
肇于一本地力有限若之何滾滾
類封爵鴻鴈于飛畢之羅之或漸
于達或遵于池類鄉獻浩宇茫茫
孰知其所啟竅發機孰爲之祖類
雜錄鳳凰鳴矣于彼西岐翹翹其

羽可以爲儀類藝文夫刺史探性
命之實際洩經濟之訐謨復九津
蕩三湖出百瀦之魚腹翔九序之
鳳雛斯不亦耀西江之景鏢振

高皇之雄畲也哉乃復紀之路史
藏之盟府俾後來者考輿地而思
封疆之臣覽創置而思控馭之臣

閱典制而思經緯之臣稽封爵而
思頒祿之臣鏡鄉獻而思棧樸之
臣核紀事而思博物之臣讀藝文
而思黼黻之臣既蕩然若覩

高皇之視學橫經宗廟皇皇百官
鏘鏘又晏然若覩

高皇之登閣賦詩鉄馬騰驤王韵

流光又如列炬遐征樓櫓夜明而
遠覽山色之蒼蒼水氣之洋洋也
耀皇靈而治世恢帝訓以奠封王
道顧不易易乎哉然周官六典猶
舊也周用之而純王唐用之而雜
夷已它心之所繇者異路也燕人
有之荆而獲璞者以示荆人剖之
得囊王焉荆人給之曰囊者母也
貴見囊者子也賤我取子君取母
燕人大說從荆人鬻子王于市獲
千金乃持璞囊反燕之市索萬金
終歲不獲一恚曰荆人貴之子燕
人賤之母皆闇也今之志范公之
囊也璞也其心必有所以囊者覽

鏡者索其囊又索其所以囊乃范
公之王見矣

萬曆十六年戊子中秋吉

賜進士出身通議大夫兵部左侍
郎前奉

勅總督河道軍務本部右侍郎兼
都察院右僉都御史南昌萬恭譔

南昌府志序

予聞之民俗士風兩者蓋治本
焉俗貴返儉儉返而俗厚士貴
論品品高則風遠迺世或緩圖
焉而志古君子則兢兢有深思
矣南昌俗尚淳朴唐昔海內風
氣已開猶無瓦屋取材召陶自
韋觀察始其茅茨土復不亦可
想見乎而勤生膏施代有紀載
至
國初民俗尤爲近古予聞長老言
民間歲嘗燕會杯飲豆肉率數
人共之日暮盡歡乃罷親黨有
謁手單布深衣革屨道路間不

敢服及門服以謁謁罷持歸故
或終身不易承屨是以尙親而
後利崇本務而賤浮食雖稱土
瘠民用利焉其俗厚如此至於
士風則繇來遠矣自澹臺先生
躬不由徑之行游學此邦以進
退辭受明示諸侯其風品清超
當昔從之者旣三百人矣嗣是
學士縉紳世敦履操而徐聘君
黃太史特其標著風聲所感雲
卿自遠而託寓焉不亦盛乎
國初忠節尤著宣成以後士大夫
以清節相高仕不問家退維實
穡至有耻以一鍰汙其行李

拜尚書而子姓饁糲不備者猶
予所睹記焉品可知矣故吾郡
非獨形勝據東南總會而俗化
風標蓋自古爲西江冠首焉惟
是靡習葉自濠藩浸淫間巷冠
裳燕會之侈頓非其舊而士尚
藻辭或踰大德鄙修檢爲拘攣

華繁實寡民用日匱鄉之長老
心竊憂之比連歲歉災

當宁痛革浮靡屢奉

詔書歛飭歸之本實而

睢陽范公實奉

命來守吾郡下車首勵風教抑豪
獎善郵孤闡幽而災盡焦勞痛

瘼在已諸所澡潔響乎士民已
知趨慕矣公猶以特設不若循
習其舊典泛陳不若紹明其先
訓於是稽牒訪遺慨然以郡志
爲任委其事於予友文學章君
輩而質裁於張少宗伯鄧太史
予亦槩與聞焉公復畀予序之

予惟志以紀治本之不先於治
何有彼詩紀二南列國之風而
終之豳雅太史遷傳前世名勲
奇績而先首陽之餓夫誠以盛
德旣衰非述先公恭儉之化無
以善後功名標末非有廉頑高
世之行不足開先故儉徵於日

用永食之微而品定於事業文章之外非深思反本莫能重也今公之志雖城郭沿革之詳山川夷險之迹風土民物之繁米鹽出納之瑣靡不具載而竊由公所行以窺所論著權衡取舍其有志古之思乎蓋齣吹太史

南昌府志

序

五

之遺錄矣故予敢備述焉使郡之士民按瘠隘之遺究困匱之故考名行之殊遡風生之實必惕然以思土地猶故今吾何匱也其先民之儉乎人物猶故今吾何品也其先詰之師乎將營衛內腴雖庀贏而元氣不衰紛

靡不眩雖頑懦而精神有立出爲良士處爲良民楨榦王家保錫皇極俗厚而風遠豈惟一郡實天下賴之百世休之斯志庶不爲空文哉雖然士風民俗之表公下榻禮賢於士旣尤加意矣且當

南昌府志

序

木方

卷四

熙朝德澤涵濡之盛西山南浦清淑宛如彭蠡匡廬凝渟自昔沙城讖著龍斗日新豈繁澹臺聘君之風烈將遡明性學躋聖品以應

昌期各兢兢進隆古之思用光斯志亦千載一峯也敬書以俟且

使繼公而倡者有覽觀焉志自
弘治辛酉以上頗采舊本餘皆
新創云

萬曆戊子閏六月既望

賜進士出身奉政大夫奉

勅提督學校雲南按察司僉事前

光祿寺寺丞禮部員外郎郡人

萬廷言書

南昌府志

序

七

卷一

南昌府志書序

熊 釗

南昌郡在大江之西落泉所治統縣惟八其山厭原其浸
彭蠡舟車所集財賦所出自古都會之地秦屬九江漢爲
豫章郡今之疆境東西蓋千里人民衆多方古諸侯之域
則大邦也歷代廣狹不同而郡守之擇必在其賢智列郡
儀表繁焉

皇上興運南昌不煩干戈而霸服雖攻竊間發民人莫不
遵約束固守禦屬縣向風畏威順化山川風氣之淑亦可
徵矣洪武十一年郡守太原王莊治郡政修恭承

上命敦郡之圖經紀誌屬進賢文學新建丁之翰編類成

卷專修詞雅命釗爲之序蓋自疆野分州而國以萬區九
州既別而貢賦成等殷正域四方周列爵分土帝王之政
莫大於是然而古者列國各有史官任其記載郡縣設而
史職廢矣今使郡各有志志得其實可以考見得失係於
政治不小也按斯誌而求之山川之勝人物之奇生產服
食之宜城池之高深道里之遠近民性習俗之賢愚美惡
治術教化之難易緩急與夫文章卓行之關於天典民彝
者皆可以覽而周知

皇上神機聖畧可以仰測其妙而 盛德之化極於無窮
繼今以後民人得以求其先民學行之懿致力忠孝以不